

# **KALEKO SALMENTARAKO POSTUAK OKUPATZEKO BAIMENAK ARAUTZEN DITUEN BALDINTZA ADMINISTRATIBO PARTIKULARREN PLEGUA, JANARI AZKARRA SALTZEKO 2015EKO KARMENGO JAIETAN**

## **1.- BAIMENAREN XEDEA**

a) Hauxe da baldintza-agiri honen xedea: 2015. urteko Karmengo jaietan kaleko salmentarako postuak okupatzeko baimena jasotzea, janari azkarra saltzeko jabari publikoko lursailetan.

b) Esleipendunari okupazioaren baimena behin emanda, guztiz debekatuta dago baimena besterentzea. Arau hau ez betetzeak instalazioa ixtea ekarriko du, bai eta araua hautsi duen esleipendunaren baimena iraungitzea ere. Arau hauek hausten dituen esleipendunak baimena jasotzeko beste deialdi batzuetan parte hartzeko aukera galduko du, eta horrez gain, ordaindu beharko ditu indarrean dagoen araudiak ezartzen dituen zehapenak.

c) Lurzoruak okupatzeko baimena epe jakin baterako da, eta ez du hurrengo edizioetarako lurzoruaren gaineko eskubiderik ematen.

## **2.- LEGITIMAZIOA ETA BALDINTZAK**

Legez osatutako ahalmen juridiko eta jarduteko ahalmen osoa duten janari-saltzaile guztiek eskatu ahal izango dute janaria saltzeko postuak okupatzeko baimena, betiere hurrengo baldintza hauek betetzen badituzte:

1.- Adinez nagusia izatea. Lan egiteko adinez nagusia izatea onartzen da.

2.- Legez ezartzen diren ezgaitasun edo bateraezintasun kasuetako batean ere ez egotea.

3.- Jarduera Ekonomikoaren gaineko zergari dagozkion epigrafeetan izena emanda egotea eta horien ordainketetan zordun ez egotea.

4.- Gizarte Segurantzari dagokion erregimenean izena emanda egotea eta kuotaren ordainketan zordun ez egotea. Pertsona juridikoen kasuetan, enpresa gisa izena emanda egotea Gizarte Segurantzari, langileak afiliatuta izatea eta kuoten ordainketetan zordun ez egotea.

5.- Saldu beharreko produktu eta instalazioei dagozkien arauak ezartzen dituzten baldintza higieniko-sanitarioak edo bestelakoak betetzea,

eta bereziki horrelako produktuak maneiatzeko beharrezkoa den titulazioa izatea.

6.- Udalaren baimena izatea.

7.- Dagozkion zergak eta ordainarazpenak ordaintzea.

8.- Atzerritarren kasuan, dagozkion bizileku- eta lan-baimenak jaso dituztelako egiaztagiriak edo bertan bizi eta lan egiteko gaitzen duten beste edozein agiri izatea.

9.- Jarduera egiteagatik sor daitekeen arriskua barne hartzen duen erantzukizun zibileko aseguruia izatea.

10.- Salmentarako erabiltzen den furgoneta behar bezala egokituta izatea, garraio eta baimendutako produktuen salmentari ezartzen zaion araudiarekin bat etorriz.

Nolanahi ere, bete beharko da zerga-araudian, Gizarte Segurantzaren araudian, baliokideak diren Europar Batasuneko estatu-kideetako araudietan eta aplikatu beharreko guztietan ezarritakoa.

Baimenak indarrean dirauen bitartean aipatutako edozein baldintza galtzeak baimena iraungitzea ekarriko du.

### **3.- POSTU KOPURUA ETA MOTA**

Plegu honen bidez bost postu esleituko dira kalean janari azkarra saltzeko 2015eko Karmengo Jaietako festa-gunean. Horien kokapena 1. eranskinean sartutako planoan ezarriko da.

Postuek hurrengo neurri hauek izango dituzte:

1. FURGONETA: 6,1 x 2,2

2. FURGONETA: 6,1 x 2,2

3. FURGONETA: 6,1 x 2,2

4. FURGONETA: 6,1 x 2,2

POSTUA        5: 4 x 3,35

1etik 4ra arteko postuetan bakar-bakarrik baimenduko dira baimendutako produktuen garraio eta salmentari ezar dakiekeen araudiari egokitutako furgonetak, betiere gehiengo neurriak gorde eta okupaziorako ezarritako ordutegiak betetzen badituzte.

5.postua, berriz, egunero desmuntatu daitekeen instalazioa izango da okupazio-epeak dirauen bitartean, eta pleguan ezarritako gehiengo neurriak eta ordutegiak gorde beharko ditu.

#### **4.- BETE BEHARREKO BALDINTZAK**

Janari azkarra kalean saltzeak duen izaera berezia kontuan hartuta, horrelako produktuak egiten diren postuek baldintza higieniko-sanitario zein ezarri beharreko beren-beregiko araudietan ezarritako beste batzuk bete beharko dituzte, eta interesatuak hori guztiori zehatz-mehatz adierazi beharko du baimena eskatzen den unean oroit-txosten tekniko baten bidez. Oroit-txosten horretan adierazi beharko du egin nahi diren produktu-mota, instalazioaren baldintzak eta ezaugarriak, bai eta materialak ere. Janaria furgonetan saltzekotan jakinarazi beharko da deskripzioa eginda, adieraziz ibilgailuak zer nolako prestaera eta dotazioak dauzkan, araudi teknikoen eta sanitarioen alderako.

Titularra eta baimendutakoa, hala badagokie, derrigor gorde beharko dituzte plegu honetan ezarritako baldintza eta mugak. Edonola ere, horrelako produktuak maneiatzeko beharrezkoa den titulazioa izan beharko dute. Esleipendunek ikusgai izango dute publikorako prezioen zerrenda. Horrez gain, kartelak ere ezarriko dituzte, non argi eta garbi azalduko den adin txikikoei alkohola eta tabakoa saltzeko debekua.

Balizko istripuak ekidite aldera, plantxa elektrikoak, frijigailuak edo postuan egiten den janaria prestatzeko beharrezkoak diren bestelako tresnak babestuta egon beharko dira eta postuen erabiltzaileetatik eta instalazioak dauden pasealekuetan zehar dabilzanetatik urrun.

Debekatuta dago postuak instalatzea, baldin eta bertako jarduerak osasun publikoan arriskua eragiten badu, zarata kirrinkariak sortu edo egiten diren ekintzak indarreko araudiaren aurkakoak badira. Bakar-bakarrik musika jarri ahal izango da, baina postuaren barruan eta ez ozen, bertako langileen gozamenerako besterik ez.

Postuen titularrek garbi izan beharko dituzte bai okupazio-gunea, bai saltokiaren inguruko perimetroan 3 metroko azalera koipearen kontrakoa emanez, eta bai inguruak, postuaren erabiltzaileei eta hurbileko negozioen titularrei eragozpenik ez eragiteko. Ezin izango dute postu-gunean eta hortik gertu zaramarik bota. Hondakinak festa-gunean jarritako edukiontzietan bota beharko dira, kalterik egin gabe udalarentzat derrigorrezkoa ez den janari hondakinak kudeatzeko tratamenduari. Horrelakoetan kudeaketa postuaren titularrak hartu beharko du ardura bere gain. Gainera, postuaren ondoan

zakarrontzi pare bat ezarri beharko dira aipatutako Ordenantzan xedatutakoari jarraituz.

Baimenduko da aldez aurretik prestatutako janari azkarra saltzea eta edarietan bakar-bakarrik saldu ahal izango dira hurrengo zerrenda honetan azaltzen direnak: garagardoa, sagardoa, ardoa, freskagarriak eta ura. Katxien salmenta debekatuta dago. Berriz erabiltzeko plastikozko ontziak erabiltzea proposatuko da eta beirazko edalontzi eta botilatxoak erabiltzea debekatuta egongo da.

Publikoari janaria saltzeko ordutegia honakoa izango da: ostiral, larunbat eta jai bezperetan 20:00etatik 04:30era eta gainontzeko egunetan 03:00etara. Ezin izango dira plegu honetan adierazitako ordutegitik kanpo ezarri.

Postuek behar bezala funtzionatzeko behar diren argindar-konexioak langile kalifikatuek egin beharko dituzte eta behar bezala babestuta egon beharko dira, publikoaren joan-etorritik urrun, eta edonola ere, 2,5 metro luzeko altuerako bide libre utziko du behe-tentsioko linearaino eta ez du ibilgailuen joan-etorria oztopatuko.

Edonola ere, instalazio-elektrikoari buruzko ziurtagiria aurkeztu beharko dute, eskumena duen administrazioaren ereduaren arabera (Eusko Jaurkitako Industria Saila) eta administrazio horrek berak bideratua, bai eta argindarra jasotzeko kontratuaren kopia ere, baldin eta argindarra korrante elektrikoaren sarearen bidez jasotzen bada.

Festa-gunean eta inguruetan ez da kalez kaleko inolako salmentarik baimenduko, Udalaren baimena dutenak salbu.

Ez da inola ere baimenduko okupatutako gune-publikoak manipulatu edota hondatzea ekar lezakeen inongo operaziorik. Horrelakorik gertatuko balitz, dagokion zehapena jarriko litzateke, eta horrez gain postuaren jabeak kaltetutako gune-publikoa konpondu beharko luke, baimena baliogabetuz.

Interes publikoko arrazoiak direla eta (segurtasuna, ordena publikoa, festa jardueraren garapena eta abar) janaria saltzeko xedez okupatu den gune publikoa erabili beharko balitz, baimendutako titularrak egokitu zaion gunea libre utzi eta beste toki bat okupatu beharko du, betiere bideragarria bada eta Udalaren adierazpenei jarraituz. Egoera honek ez du inola ere kalte ordainik jasotzerik ekarriko. Festa-gunean beste toki bat okupatzea ezinezkoa balitz, ordaindutako zenbatekoei dagokien parte itzuliko litzaike.

Baimenek dirauten bitartean, postuen neurriak eta kokapena bakar-bakarrik aldatu ahal izango dira eskumena duen udal organoak beren-beregi horrela erabakitzen badu.

Udala ez da suteak, zuhaitzen adarrak erortzeak edo beste edozein agente natural batek eragindako kalteen erantzulea izango. Udalak ez du esleipen-batekorik itzuliko eguraldi txarrak eragindako arrazoiengatik.

Debekatuta dago postuak instalatzea, baldin eta bertako jarduerak osasun publikoan arriskua eragiten badu, zarata kirrinkariak sortu edo egiten diren ekintzak indarreko araudiaren aurkakoak badira.

Ezin izango da postua itxita izan.

Ezin izango da baimena besterendu.

Esleipendunek arestian aipatutako baldintzetako edozein ez betetzeak zehapen-espeditatea abian jartzea eta baimena iraungitzea ekarriko du.

Esleipendunek portuak baimena ematean ezarri dituen baldintzak bete beharko dituzte.

## **5.- PREZIOAK.-**

Baimendun titular bakoitzak hurrengo kopuru hauek ordaindu beharko ditu:

1. postua: 250 €
2. postua: 250 €
3. postua: 250 €
4. postua: 250 €
5. postua: 250 €

## **6. BAIMENAREN IRAUPENA**

Okupazioa 2015eko Karmengo Jaiek dirauten bitartean egingo da, hau da, 2015eko uztailaren 10etik 19ra, eta ezin izango da luzatu. Baimena aipatutako jarduera horretarako baino ez da izango.

## **7.- ESKAERA**

a).- Saltokiak okupatzeko baimenaren eskatzaileek saltoki bakoitzeko eskabide-orri bat bete beharko dute, eta Udaleko Erregistro Orokorrean – Cristobal Murrieta etorbideko 6 zenbakian– aurkeztu. Horrez gain, eskabidea aurkeztu ahal dute Herri Administrazioen Araubide Juridikoaren eta Administrazio Prozedura Erkidearen azaroaren 16ko 30/1992 Legearen 38.

artikuluaren aurreikusitako beste modu guztietan. Eskatzailearen eta, kasuan kasuan, pertsona baimenduaren honako datu hauek zehaztu beharko dira eskabidean: NAN edo AIZ edo IFK zenbakia, izena edo sozietatearen izena, abizenak, helbidea, telefono-zenbakia eta salgai jarriko den produktuaren buruzko beste datu batzuk.

b).- Honako dokumentu hauek edo berorien kopiak erantsi beharko zaizkio eskabideari:

1. Eskatzailearen NAN, AIZ edo IFK agiriaren kopia; nor bere konturako laneko baimena, eta atzerritarra bada, egoitza-baimena, edo bertan bizi izateko eta lan egiteko gaitasuna ematen dion beste dokumentazioen bat.
2. Jarduera Ekonomikoen gaineko Zergaren alta-agiriaren fotokopia eta azkeneko ordainagiriarena, hala behar izanez gero.
3. Pertsona juridikoa bada, enpresaren eraketa agiria, Merkataritzako Erregistroan behar bezala inskribatua, hala behar izanez gero. Pertsona fisikoa bada, berriz, ordezkari egiazta beharko da zuzenbidearen aldetik indarra duen edozein baliabidez, edota eskatzaileak berak aitortzen eginez.
4. Janari-edariaren kasuan, janari-erabiltzailearen txartela edo indarreko araudiak eskatzen duen titulazio-baliokidea izan beharko da.
5. Jarduera horretako inor enplegatutik edukiz gero, lan-harremana egiaztatzen duten agiriak.
6. Eskatzailearen eta baimenduaren nortasun agiriaren neurriko bi argazki, hala behar izanez gero.
7. Jarduera egiteak dakarren arriskua estaltzen duen erantzukizun zibileko polizaren zein aurtengo ordainagiriaren fotokopia
8. Jardueraren oroit-txostena plegu honen 4. puntuan ezarritako terminoetan.

Pertsona bat baimendutako ordezkari izendatuz gero, eskatzaileak arestian aipatu diren agiriei honako hauek erantsiko dizkie:

1. Lan-harremana edo familia-harremana egiaztatzeagatik, eta kasu honetan, Gizarte Segurantzako alta eta kotizazioen azkeneko ordainagiria.
2. Izendutako ordezkariaren datu baimenduak: Izen-abizenak, helbidea eta telefono-zenbakia.
3. NAN edo AIZ agiriaren fotokopia.

c) 1, 2, 3 eta 4. postuak eskatzen badira, aurrekoen gain, beharrezkoa izango da ibilgailuaren zirkulazio-baimena, berau erabiliko duenaren gida-baimena eta ibilgailuak IAT gaitutako egiaztapen aurkeztea. Agiri hauek guztiek indarraldian egon beharko dute.

d).- Aurkeztutako dokumenturen bat faltsua izanez gero, jarduera itxiko da, eta nolana ere, legezko ekintzak abian jarriko dira.

e) Esleipenean parte hartuz, postuen esleipendunek oniritzi osoa ematen diete plegu honen oinarri guzti-guztiei.

## **8.- ESKABIDEA NOIZ AURKEZTU**

a).- Eskabideak, behar bezala beteta, 2015eko maiatzaren 2tik 22era bitarteko epean aurkeztu beharko dira. Eskabideei 7. baldintzan eskatzen diren dokumentu guztiak erantsiko zaizkie.

b).- Eskabideak epez kanpo aurkeztuz gero, ez dira inola ere onartuko.

c).- Pertsona fisiko edo juridiko bakoitzak egindako eskabide bat baino ez da onartuko.

## **9.- PROZEDURA**

1.- Eskabideak aurkezteko epea bukatuta, aurkeztu duten dokumentazioa kalifikatzeari ekingo zaio. Onartu eta onartu ez direnen behin-behineko zerrenda egingo da. Onartu ez direnen zerrendan, ez onartzeko izan diren arrazoiak adieraziko dira (baldintzak ez betetzea, dokumentazio osatugabea...). Behin-behineko zerrenda hau jendaurrean izango da udaleko webgunean eta iragarki taulan. Behin-behineko zerrendari erreklamazioak jarri ahal izango zaizkio 10 egun balioduneko epean, aurreko paragrafoan adierazitako lekuetan zerrenda iragarri eta hurrengo egunean hasita.

2.- Epearen barruan aurkeztu diren erreklamazioak ebatzitakoan, onartu eta onartu ez direnen behin betiko zerrenda argitaratuko da. Zerrenda hau jendaurrean jarriko da udaleko webgunean eta iragarki taulan.

## **10.- BAIMENA EBAZTEA**

Postuak okupatzeko baimena instalatu beharreko postuen eta produktuen arabera emango da.

Ebazpenak arrazoitua izan behar du, eta bermatutzat joko du Baldintza Plegu honetan zehaztu diren baldintzak beteko direla. Erabakia hartzeko, interes publikoa hartuko dute oinarri, eta interes hori honako irizpide hauen bitartez ordezkaturiko da, besteak beste, eta adierazita dauden hurrenkeran: norberak edota artisau-lanaren bidez egindako produktuz egindako eta, unean prestatutako janariaren salmenta, aurkeztutako produktuen aniztasuna eta

salmentan hondakin gutxien sortzen dituztenak, postuaren estetika eta jardueraren eta interes publikoaren onurako den beste edozein irizpide, behar bezalako arrazoitua baldin badago. Antzeko eskarien kasuan, Udaleko Erregistroan arinen aurkezten denak izango du lehentasuna.

## **11.- POSTUAK OKUPATZEKO BAIMENA JAKINARAZTEA**

a).- Aurreko paragrafoan adierazitako irizpideen arabera eskabideak aukeratu ondoren, Obra eta Zerbitzu Arloko Zinegotziaren erabakiaren bidez, esleipendunen zerrenda onartuko da. Zerrenda Udaleko webgunean argitaratuko da, ordaindu beharreko zenbatekoa, ordaintzeko gehienezko epea eta zein den azoka-esparruan okupatzeko saltokia adieraziz. Udalaren esku dago saltoki bakoitzaren lekua zein den erabakitzea.

b).- Okupatzeko baimena behin-behinekoa izango da, harik eta dagokion zenbatekoa ordaindu arte.

c).- Tasak eta ordainarazpenak ordaintzean behin-behinekoa zen baimen hori behin betikotzat joko da.

d).- Kalez kaleko salmentarako saltokien esleipendunek ezarritako epean ordaindu ez izanak saltokia izateko baimenari uko egitea ekarriko du, eskatutako baldintzak eta zehaztutako irizpideak betetzen dituen lehen eskatzaileari esleituko zaiolarik. Azken honek uko egiten badio, hurrengoari egingo zaio eskaintza, eta horrela hurrenez hurren.

## **12.- INSTALATZEKO BAIMENA**

Obra eta Zerbitzuetako Sailak, tasak ordaindu direla egiaztatutakoan, identifikazio-txartel bat igorriko du, eta bertan postuaren datu guztiak adieraziko dira. Esleipendunak Udalean hartu ahal izango du, bertan esaten dioten egunean eta orduan.

Txartel horrek beti ikusgai egon beharko du instalatutako postuan. Esleitutako lekua finkoa eta aldaezina da; horregatik, debekatuta dago lekuz aldatzea, Santurtziko Udalak horretarako baimena eman ezean.

## **13.- KALEKO SALTZAILEEN BALDINTZAK ETA BETEBEHARRAK**

Udalak postua festa-gunean instalatzeko baimena emandakoan, esleipendunak honako betebeharrak hauek izango ditu:



- Udalak igorritako baimena azokaren antolatzaileei edota udal agintariei erakustea.
- Oinarrietan eskatzen diren agiri guztiak eskuragarri izatea, langile baimenduek edonoiz egiazta ditzaten.
- Obra eta Zerbitzuetako Arloko langile administratibo, tekniko eta postuaren okupazioa ikuskatzeaz arduratzen diren langileen esanak eta argibideak betetzea.
- Baimenak dirauen bitartean janaria egun guztietan ikusgai izatea salmentarako.
- Udalak emandako arauak eta baldintza-agiri honetan ezarritakoa betetzea.
- Indarrean dauden lan-arauak betetzea (Gizarte Segurantzari buruzkoak, langileak kontratatzeari buruzkoak...).
- Segurtasun-, eta higiene-arauak betetzea.
- Postua zertarako baimendu den, horretarako erabiltzeko
- Instalazioak pertsona guztiei, inolako diskriminaziorik gabe, erabiltzen uztea.

#### **14.- ARAU-HAUSTEAK ETA ZEHAPENAK**

Arau hauetan adierazitako betebeharrak ez betetzea arau-haustetzat hartuko da.

Obra eta Zerbitzuen Saileko zinegotzi esku-ordedunak, espedientea egin ondoren, emandako baimena indargabetu eta postuak zigilatu ahal izango ditu. Horrela, saltzaileei galaraziko die berau erabiltzea, harik eta edozein motatako arazoak konpondu arte; edo betiko, baldin eta baldintza-plegu honetan ezarri diren arauak hautsi badira.

Plegu honetan ezarrita ez dagoenerako atxiki beharko zaio Santurtziko udalerrian kaleko salmenta arautzen duen Ordenantzan eta gaiari ezar dakiokeen bestelako araudietan adierazitakoari.

#### **15.- BAIMENA IRAUNGITZEA**

Baimena iraungiko da 6. baldintzan adierazitako epea amaitu delako edo hurrengo hauek hautsi direlako: baldintza teknikoak, baimena emateko arazoia izan ziren bestelako baldintzak, klausula hauetan ezarritako arauak edota organo-eskudunak emandako beste arau batzuk. Jarduera erabiltzaileentzat edo oinezkoentzat arriskutsua izateak ere ekar lezake baimena baliogabetzea.